

四庫全書

子部

欽定四庫全書

同姓名錄卷二

明 余寅 撰

朱買臣三

漢武帝時朱買臣

贊曰老夫荷薪歌老婦倚門泣衣錦果然歸抱恨入  
鬼陌義格仇剛搏賊刻骨爰書若蟲螢海內沟淘念  
誅殛與湯并誅誅亦得

梁元帝時兩朱買臣

一稱宣猛將軍奉帝密旨害豫章王棟及其二弟橋  
穆後禦魏師又敗績者一稱閻人以宗懔黃羅漢不  
肯遷建鄴按劍乞斬二人以謝天下又請帝潰圍出  
就任約者是兩買臣也閻似正宣猛似諛忍

張湯二

西漢張湯杜陵人武安侯薦補侍御史厯廷尉御史大  
夫務在深文舞智以御人為三長史所陷自殺  
南梁張湯為冠軍將軍置營始平郡東北魏統軍王足

敗梁兵於涪北斬湯見宣武紀正始二年

李廣七

漢武帝尚虜功李廣稱飛將守右北平安帝錄舊勲李廣緣功臣裔封琴亭侯唐德宗復京城李廣率驍騎軍光泰門此皆有武烈者梁蕭巋伐陳其將李廣為陳人所虜又何武畧之不振也北齊文宣撰天保厯命中書郎李廣為序則以文揚矣若妖巫李廣叛據皖城為馬援所斬蜀李勢之弟李廣以不得為太弟自殺此蓋閭

於天命自取滅亡尤前數人所不齒者也

李陵二

前漢李陵李廣之孫為騎都尉將步卒佐貳師擊匈奴  
所殺傷過當以兵矢盡敗降

後漢李陵永平中益州刺史朱輔宣漢威德白狼槃木  
唐敢等百餘國舉種稱臣遣從事史李陵護送赴闕

并上其樂詩三章

王商五

前漢王商以共侯武之子相成帝襲封樂昌侯王莽諸  
父商陽朔中為大司馬封成都侯黃門書者假史王商  
著賦十三篇見藝文志後漢王堂之曾孫王商益州牧  
劉焉以為蜀郡太守有治聲即華陽國志所謂廣漢王  
吉亦見詠懷者姚秦時王商作進餅圖見廣川畫跋

王舜三

漢元帝時王舜以外戚侍中中郎將封安平侯又莽諸  
父音之子王舜極媚莽為太師益萬戶改封安新公成

帝時王舜為中黃門則內豎

劉安六

漢淮南王劉安著鴻烈解後漢慎侯劉隆之子亦名安  
中元二年嗣封安帝時任城王劉安貪恣不法詔以一  
歲租贖罪同時有宦者劉安譖廢太子為孫程等所殺  
晉車騎將軍劉弘曾孫安為江夏相陶稱所殺至唐劉  
安瀛州刺史碑是其所書見金石畧

張騫二

西漢張騫武帝遣至月氏求珍產於是天馬絕塞以來而兵鑿遂開於西域

東漢張騫明帝遣至天竺問佛法於是白馬駝經以歸而釋教遂布於中華

趙充國二

漢武帝時昌武侯趙充國

太初元年以乃父降虜功襲爵

漢宣帝時營平侯趙充國

太始元年以在朝定策功論封

張敞六

西漢張敞宣帝時為京兆尹以經術自輔朝廷每有大議引古今處便宜公卿皆服天子數從之

東漢張敞南陽人為竇武令史武死遺一孫輔才二歲捕急敵與掾胡騰共逃輔於零陵輔後舉孝廉辟丞相府從事此猶杵臼嬰之風矣

西晉張敞為汝陽太守祖逖既收河南地恐南無堅壘

為敵所襲乃使敵率衆築壘以為捍衛

南宋張敵張裕之父官侍御史度支尚書吳國內史  
後秦張敵為姚懿左常侍懿謀逆欲廢其主泓而自立  
敵固諫懿笞殺之

唐張敵著晉東宮舊事十卷見唐志故事類

張夷二

西漢張夷東方朔之父年二百歲有少容  
後趙張夷石勒河間太守

王恢二

漢武初年王恢將兵擊匈奴畏縮不敢進被失律之誅  
漢武末年王恢奉使通大宛襲虜樓蘭王賜通侯之賞

王成七

前漢兩王成 宣帝綜核最嚴王成安敢偽增戶口疑  
無此事若太尉李固之門人王成能曲存孤脩李燮  
卒於祀全名顯可謂忠貫幽壤義昭白日豈飾詐之  
臣所能及邪此燮所以備禮葬設賓祭也其勸天下

之為門生者大矣

後漢兩王成 光武時博士范升劾處士周黨驕蹇并  
劾山陽王成誇上求高皆大不敬

又十九侯中有宦者王成以迎立順帝功封廣宗侯

云

宋開禧間九江戍校王成見病騎收秣之後成戰死騎  
悲鳴屍側

元二王成一大德初縣尹張或為王成所誣浙西廉訪

使田滋得其狀遂釋或

一至正十五年奴縛其主王成降粵帥何真賞其奴  
如令而置餽烹焉粵人大快

孫會宗二

漢孫會宗西河人安定太守知畧士也坐與楊惲通書  
免官

唐孫會宗北夢瑣言記會宗家集宴事云醉酒止宜側  
身恭跪一醉今人三醉非也

江革三

漢江草事母稱巨孝嘗却寶憲之饋官終諫議大夫每歲八月羊酒優其老後以千斛穀恤其儉

梁江革齊尚書郎入梁累官度支尚書聰敏彊直歷八府長史四王行事三為二千石傍無姬侍家徒壁立嘗為魏人所執不肯作丈八寺碑文

宋江革登甲科嘗辭蔡京之召不就宗子博士至今儒林猶傳其咬菜根一語云

任安四

西漢任安先益州刺史後北護軍以戾太子事下吏誅死

東漢任安綿竹人少遊太學受孟氏易兼通數經又從楊仲桓究極圖讖時稱曰居今行古任定祖欲知仲桓問任安

東晉任安慕容德寇莒城守將任安委城而遁

李唐任安天寶中奉使至合州聞女人范志立得道求

與會及至志立變為男子

王褒八

漢王褒諫議大夫作聖主得賢臣頌諷金馬碧雞之誕  
漢成帝時王褒鄭通里人絳衣小冠帶劍入北司馬門  
病狂易曰上帝令我居此下獄死見三輔黃圖

魏文帝黃初三年武都西都尉王褒獻石膽二十斤四  
年獻三斤見博物志

晉惠帝元康末王褒與霍原等俱以賢良徵累下州郡

以禮發遣俱不到

晉成帝咸和九年清虛真人王褒與魏夫人成藥兩劑  
服之白日昇天

梁蕭瓛禦周宇文述遣王褒守吳州褒為述兵所襲  
木道士服棄城遁

魏王褒王方慶高祖規之子博覽史傳特善草隸梁元  
帝僕射入魏開府儀同與庾信並重

唐王褒處士撰庚桑楚洞靈真經增開元天寶之誇

劉章三

西漢劉章齊悼惠王子初封朱虛侯平諸呂有功文帝  
封為城陽王

北齊劉章行襄州事天保二年陳留王彭樂謀反為章  
所告伏誅

南宋劉章龍游人紹興廷試第一居館職秦檜惡其不  
附已劾罷之檜死累官禮部尚書

劉德三

前漢河間獻王劉德修學好古山東諸儒多從而遊武帝時入朝獻雅樂詔策三十餘事其對原本道術文約指明

後漢安平王劉德河間孝王子永寧元年鄧太后封以奉樂成王黨祀

元劉德事後母如所生撫四弟尤篤年五十未娶貸得錢先為弟求婦諸弟亦化其德一門藹然鄉里稱為

劉佛子

張勃二

漢張勃富平侯延壽之子因舉陳湯湯不奔父喪會勃  
薨謚勃繆侯漢重舉主之罰歿猶不貰

晉張勃吳大鴻臚儼之子撰吳錄三十卷

京房二

據前漢儒林傳有兩京房一淄川楊何弟子而梁丘賀  
受易於房宣帝時官太中大夫出為齊郡太守一受易  
梁人焦延壽元帝初元中以孝廉為郎以明災異得幸

建昭間奏考功課吏法出為魏郡太守為石顯所譖誅

王式三

漢王式東平人為昌邑王師昌邑廢式繫獄當死治事使者責問何以亡諫書式對以詩三百五篇諫是以亡諫書使者以聞得減死

唐王式浙東觀察使時裘甫亂越州式討擒之甚有威畧惠政見一統志後移河陽斬銀刀都數千人粟縮就死無一人旅拒者

晉王式淮南小中正處繼母事違禮犯義為卞壺所糾  
遂廢棄終身

王鳳三

漢成帝初立以王鳳為大司馬封陽平侯王氏之興自  
鳳始卒成賊莽之篡而綠林豪客亦王鳳酸棗處士亦  
王鳳

黃忠二

西漢黃忠即相宣帝者之曾孫也襲封建成侯

蜀漢黃忠即事先主者之老將也賜爵關內侯

劉向三 嶶歆五 劉秀二

西漢陽城侯宗正劉德之子劉向為中壘校尉向之子  
劉歆亦為中壘校尉王莽封紅休侯歆後改名秀冀應  
圖讖不知光復祖器者乃舂陵之劉秀非事莽號國師  
為國賊者也東漢昌城侯劉植戰歿其子劉向嗣侯植  
之從兄劉歆為驍騎將軍封浮陽侯更始既被害世祖  
封其次子劉歆穀孰侯向之賢屬籍所推而故羨之歆

之佞世所唾罵而甘與同何歟要之一時偶然似非錯意

北齊文宣天保八年冀州人劉向於鄴謀逆伏誅王莽時劉歆封祁烈伯奉顓頊之統注云別一劉歆非國師也

靈帝時劉歆為左丞相與桓彬杜希交好怨家指為酒黨俱廢錮

晉志太始十年御府出銅竹律二十五具太樂郎劉

秀等校試三具律法同其二十二具竹律也於是制

十二笛焉

王平三

西漢王平昭帝時軍正以破西南夷著功

東漢王平明帝時逆黨以附楚王英斃獄

蜀漢王平昭烈時牙將以統漢中郡封侯

王嘉四

漢哀帝時王嘉以丞相封新甫侯而莽孫王嘉封衍功

侯前平帝時蜀郡王嘉棄官逃王莽之亂後不赴公孫  
述徵伏劍死至晉王嘉貌醜神異隱於終南山著拾遺  
記為姚萇所殺

陳遵三

西漢陳孟公豪俠少檢當其讀揚雄酒箴時向張伯松  
矜誦豈不謂一世人龍哉然卒以酒死東漢陳遵僅於  
送楊司空叔節葬時一見其姓名無他績効又見於陶  
謙傳國相陳遵嘗召起趙昱趙不應命豈即此陳公邪

東晉陳遵為桓元子造江陵金隄使人打鼓遠聽之知地勢高下亦可謂異聰矣

張禹四

西漢儒林傳兩張禹一從貫長鄉治春秋左氏傳宣帝徵為待詔會疾死一從施讎受易成帝時為丞相封安昌侯朱雲請尚方劍斬佞臣頭即其人也又東漢和帝時張禹以太尉兼衛尉留守北宮以定策功封安鄉侯每朝見特贊與三公絕席晉上郡太守張禹為劉曜所

攻奔于允吾於是關右翕然所在應曜

王建九

西漢王建成帝時由廣陵太守為京兆尹見班氏百官

公卿表

曹魏王建明帝時司馬宣王討遼東公孫文懿斬其所

署相國王建

北魏王建道武時為中部大人從破慕容寶阮殺參合

之衆賜爵真定公

前蜀王建僖宗時田令孜養建為子入蜀為節度使盡有蜀地遂僭大號

晚唐王建大歷進士為陝西司馬工樂府歌行思遠格高為當時絕唱

後唐王建高麗人明宗時建承高氏之後權知國事遣使朝貢封高麗國王

南唐王建西州行營招討使在圍城中糧盡以筒容米率寸鬻錢二百見朱敬塘傳

趙宋王建從制置使孟珙討金行省武仙直擣王子山  
若夜入帳中斬金將首囊佩之平明視之金小元帥  
也

金虜王建宛平張孝善有子名合得死而復活云原是  
良鄉人王建子喜兒時以為借魄還魂云

宋弘三

西漢宋弘為中常侍哀帝時息夫躬因弘上變告東平  
王雲祝詛事擢弘光祿大夫左曹給事中

東漢宋弘大司空封宣平侯光武姊湖陽公主新寡帝以謗言貴易交富易妻問弘弘曰臣聞貧賤之交不可忘糟糠之妻不下堂

西夏宋弘金世宗十六年夏人遣宣德郎宋弘賀正旦王接二

漢王接五鳳元年襲平昌侯永光元年由侍中衛尉為大司馬車騎將軍見百官公卿表

晉王接博學特精禮傳注公羊春秋多新義詳論汲冢

書補衛恒王庭堅之關摯虞以為允而年不永仕不  
達

王章七

漢成帝時三人 一鉅平人河平四年由司隸校尉為  
京兆尹劾奏大司馬王鳳穎擅朝政宜斥退鳳便廷  
尉致章大逆下獄死一陽朔二年右將軍王章為光  
祿勳數月薨元延元年宜春侯王章襲曾祖訢封  
爵十八年薨

漢質帝時九江都尉滕撫遣司馬王章擊破廬江盜賊  
漢靈帝時王章在八厨中號曰海內賢智王伯義  
晉成帝時王章為庾亮部將及亮失利章自引為罪陶  
侃曰君子哉王章也

漢隱帝時王章三司使檢校太尉漢方新造供饋軍旅  
未嘗乏絕征利剝下民甚苦之乾祐初族誅

楊雄二

隋楊雄貌雍容兼武畧周武帝臣也而効誠節於隋家

屢叨開國之賞

宋楊雄心傾險多詐謀宋寧宗將也而獻逆計於吳曦  
卒致皂郊之戮

楊雄同者止此兩人若漢揚子雲是抑揚之揚周陽  
元略是陰陽之陽皆不得言同也

趙普三

漢趙普沛國蘄人衛尉趙孝之父王莽時為田禾將軍  
宋二趙普一相太祖稱為社稷臣一神宗熙寧三年夏

人寇鎮戎軍三川若巡檢趙普擊敗之

李翕二

前漢李翕封邑鄉見恩澤侯表蓋王莽時水衡都尉與  
王惲同功而封者

後漢李翕河陽人建寧三年守武都見析里橋銘

玉海皇甫規奏免安定屬國都尉李翕如郁闕銘所  
云何至為皇甫士安所斥免邪

王崇五

莽諸父王崇以后戚封安成侯而丞相嘉之子王崇以  
父忠直襲封新甫侯御史大夫駿之子王崇以世清廉  
為大司空封扶平侯北魏北海王崇即王猛曾孫天安  
初襲父憲北海公爵又雍丘王崇仕梁州鎮南府主簿  
居喪孝感異鳥異草馴茂廬所風電不侵禾麥完熟

王況二

莽諸父商之子王況襲封成都侯以罪廢而卜者王況  
與魏成大尹李焉作讖書莽捕下獄死

王匡四

王莽從兄舜之子名匡偽太師為更始所誅而莽側幸  
所生封功建公者亦名匡此尤可異者是時下江兵起  
雲杜綠林首事者亦王匡漢末河內大守與山東豪傑  
起兵討董卓者亦王匡

王丹三

莽從弟王丹為中山太守戰死

莽同時王丹為太子太傅壽終

後漢書有王丹字仲回其子欲奔慰同門喪親者丹怒  
撻之令寄縑以祠

陳元二

東漢初陳元光武議欲立左氏傳博士范升奏左氏淺  
末不宜立元疏爭之帝卒立左氏學選博士四人元  
為第一

東漢末陳元見仇香傳所謂陳元不罰而化之者

李憲七

東漢李憲初為王莽偏將軍莽敗據廬江稱偽號光武遣將擊拔之其軍士帛意斬憲降妻子并誅

北魏三李憲 孝昌元年徐州刺史元法僧據城反自稱宋王詔尚書李憲為都督以討之其衆奔潰免者十二三孝昌二年梁將元樹逼壽春揚州刺史李憲力屈以城降之俱肅宗紀 兖州刺史李式坐事被收從事汲固藏其子憲得存其宗

唐兩李憲 一睿宗之子讓皇帝

一西平郡王之子太府卿仁孝明恕政績最優

宋李憲神宗時內黃門元豐中出師討夏國憲以宣州

觀察使領熙秦軍復蘭州擢永興軍副都總管

張成二

東漢延岑據漢中稱王大將軍朱祐與之戰斬其將張  
成北魏太武末扶風太守張成坐事誅

徐幹三

東漢兩徐幹 一顯宗時都護長史佐班超守西域

一獻帝時五官將文學著中論與建安七子齊名  
西晉徐幹泰康中為刺史鄴隱士王長文不就徵辟家  
貧貸多無以為償幹觸捨之不收其責

前漢兩劉禮

一楚元王次子封平陸侯為宗正後楚王戊反自殺景  
帝乃立禮為楚王奉元王後

一南陽安衆侯宗室王莽居攝中禮與安衆侯崇起兵  
誅莽事泄見害

張昌二

漢武帝太初元年睢陵侯張昌為太常坐乏祀免

晉惠帝太安二年平氏縣吏張昌聚黨作亂旬月間衆至三萬跨帶五州樹立牧守詔寧朔將軍劉弘討誅之

王安六

王莽遠祖名安乃莽之子亦名安立為新遷王莽殺之樂昌侯商之子亦名安嗣爵為長樂衛尉亦莽殺之至

於晉有胡奴王安能潛匿祖逖之孤其義烈若是唐餘紀傳廬江王安捧唾壺侍吳武王能以一矢殪驍卒之變後事南唐主為百勝軍節度使改名會宋章惠太后從父弟楊景宗為建寧軍節度使坐從辛王安挾刃入皇城謫均州安置再閔毛惜惜傳又有榮全賊黨王安端平初與全共據高郵以叛

王獲二 王臨三

莽之次子獲第四子臨皆封公而平昌侯王無故之孫

臨曾孫獲皆襲封侯前此大鴻臚王臨嘗以慶氏禮授  
董鈞

王吉六

前有諫大夫王吉忠直數諫諍更前則臨邛令王吉詭  
為文園君而莽孫王吉封功成公同時王吉許商之門  
人為莽九卿至於後漢王吉閹官王甫之養子為沛相  
慘毒異常司隸陽球收死洛陽獄宋王吉薦處士王庠  
後吉罹元祐黨禁庠自劾吉嘗薦舉不可入仕

王宗二

莽孫宗封功崇公坐自畫容貌被服天子衣冠發覺自殺漢安帝延平四年命御史中丞王宗討破海賊

王利二

莽孫利封功著公晉成帝時李壽據成都王利勸壽稱鎮西將軍益州牧壽不從僭稱漢皇帝

莽名其四子宇獲安臨寔窩窺竊神器之意宇六子千壽吉宗世利俱封公其寓意亦覺非常若預構而

名之者

郭憲二

漢郭憲不仕莽而事光武官光祿勳常以直諫不合所

謂關東觥觥郭子橫者也

魏郭憲不肯昧義殺韓約而又以殺約之功同衆人受爵所謂以義始而卒以利終者也

初藏納韓約可謂厚矣後約死陽達斬其首投操雖不列名而同受爵賞是與於斬約者也舊誼安在乎

豈若明告操以既死當不必追為之戮請葬埋之以明此志且操既知約死或不窮究若憲者可謂執義不堅與負心人等耳

樊崇二 楊寶四

鄧禹討更始漢之驍騎將樊崇力戰以死而赤眉賊之首亦樊崇何逆順之懸絕也

鄧禹討更始賊之河東守楊寶被擒以誅而白玉環之報亦楊寶何奸良之迥異也

又元魏楊薦之父楊寶官昌平郡守秦郡寧夷人也  
前元楊昇之子楊寶為大理路通事以招諭土人授  
姚安路判官

李育五

東漢三李育 一公孫述將軍後歸世祖以才擢用  
一趙國大豪共立王郎為天子育為大司馬郎走死  
育不知所終一為班固所重專精公羊春秋作難左  
氏義號通儒官尚書令

元魏李育為相州防城別將以拒葛榮之勲賜爵趙郡  
公金紫光祿大夫

宋李育吳人字仲蒙劉子威燕語載其飛騎篇一詩而  
惜其湮沒及閱宋文鑑有李育為邠州觀察推官誥  
除著作佐郎者疑即此人

劉寵四

章帝時劉寵即帝長子伉之子也嗣封千乘王永元七  
年改封樂安

和帝時劉寵綿竹人成都令遷牂牁太守初乘一馬布衣蔬食儉以為教吏民為之立銘

靈帝時兩劉寵一平平人齊悼惠王之後為會稽太守簡除煩苛禁察非法郡中大化徵為將作大匠山陰五六老叟人賚百錢送寵寵為人選一大錢一陳敬王羨之曾孫熹平初嗣封黃巾賊起郡縣皆棄城走寵有強弩數千張出軍都亭國人素聞王善射不敢反叛故陳獨完百姓歸者十餘萬

王琳二

漢王琳年十餘歲父喪守塚弟季為赤眉所捕將烹食之琳自縛願先就烹賊矜俱放遣後辟司徒府

梁王琳好武果勁絕人大得部曲心平侯景功第一都督嶺南琳以遙阻急難宣力元帝果為魏所并大抵梁運既去虎臣空負嵎作勢何益竟為陳將吳明徹所殺傳首建康市

李通七

漢李通讞言劉氏當興李氏為輔通遂首贊光武大業  
雖封王尚主何抹於父與族之殄滅乎

魏李通以勇俠聞斬袁紹之使一意歸曹公以功封都

亭侯

晉李通益州刺史董榮圖畫譙周像於州學命從事李  
通頌之見益都耆舊傳

隋李通金紫光祿大夫兵部尚書坐事免

唐兩李通 一神堯武德六年沙州人李通反殺瓜州

總管賀若懷廣一代宗之子恭王名通

金李通以便辟側媚得幸於海陵累官參知政事世宗  
即位以南伐之計皆通等贊成之詔削通官爵

王霸三

光武時兩王霸 一潁陽人光武初起從破王尋王邑  
及斬王郎封淮陵侯 一廣武人在逸民傳建武中  
徵到尚書稱名不稱臣有司詰之對曰天子有所不  
臣

道武時王霸初帝在獨孤部劉庫仁子顯謀逆商人王  
霸知之履帝足於衆中帝乃馳還幸賀蘭部其日顯  
果使人殺帝不及

張玄五

東漢三張玄 一河陽人習春秋建武初拜顏氏博士  
一成都人張霸孫說車騎將軍張溫剪除中官而溫  
不能用一偃師人郡掾史乃孫翻為太守為立祠堂

蔡中郎作碑銘

吳張玄廣陵人張紘之子官至尚書清介有高行而才不及紘

晉張玄苻堅入寇謝安遣兄子玄等討之玄入問計安答云已別有旨既而寂然玄不敢復言乃令張玄重請

劉炳三

漢沖帝名炳

宋劉炳治平中與弟景相繼登進士俱為郎官時唐介

勑張堯佐貶嶺表炳兄弟餞以詩遂俱得罪免官士論高之

金劉炳倜儻有氣節每讀書遇古忠臣烈士輒嘆息景慕恨不與之同時貞祐初第進士即日上書條便宜十事宣宗異其言補御史臺令史

東漢初兩方望

隗囂傳軍師方望見囂不堪輔拜書謝去更始傳又言方望立前孺子劉嬰為天子更始擊斬之乃俱平陵人

豈一人邪何能決去隗王而不免就戮于孺子且嘗言  
更始不可知孺子嬰豈愈於馬牧奴邪拜書願廣求竒  
人介然立節而今乃謬作赤族事蓋判然兩截必兩人  
已

李業五

東漢李業梓潼人志操介特當莽時絕匿名跡公孫述  
羞不能致劫以藥酒遂死益部紀載高節圖畫形象  
後漢李業隱帝時恃太后寵弟放恣無顧憚及周師至

懷金寶而逃五代史云至絳州為人所殺而劉銖傳  
又云是周太祖殺之何前後異詞也

唐三李業 一睿宗惠宣太子名業一僖宗乾符初李  
業嘗鎮太原能安集部落因假其子鈞靈武節鉞檢  
校兵部尚書以招諭之後鈞以戰死一太和中王起  
為襄州刺史時江漢水田塘堰闢壞命從事李業行  
部補繕遂無水敗無凶年

東漢兩王符

一穎陽人世祖功臣王霸之子嗣爵徙封軼侯

一安定人與張衡馬融友善著潛夫論後漢書錄其論

五篇

王昌四

前漢王昌成帝建始三年由南陽太守為右扶風

後漢兩王昌一即王郎詐稱成帝真子與僭稱天子光武討誅之一靈帝時李傕郭汜相攻帝遣皇甫酈和解催不受詔酈面折其非裁出營門傕遣虎賁王昌

呼之昌知酈忠直縱令去還言追之不及

魏王昌父崧上計京師是在魏也後母死於吳昌時為

東平相聞而制服

東漢兩侯霸

一光武時為大司徒封關內侯

一安帝時為金城守破迷唐羌

馬武三

東漢馬武為捕虜將軍楊虛侯見雲臺二十八將

西漢馬武為都水使者薦戴洋為令史見藝術傳

又太安二年張昌作亂據有江夏遣將馬武破武昌

害其太守

王元四

漢二王元一杜陵人隗囂立為大將軍請以一丸泥  
東封函谷關者後降公孫述又降漢得謫下獄死一  
順帝永和元年南單于寇西河烏桓校尉王元等擊  
破之見南匈奴傳

魏孝靜帝紀蕭衍將柳仲禮寇荊州刺史王元擊破之  
宋文鑑王元可右衛大將軍遙郡觀察使胡宿撰誥詞

李善二

漢李善清陽人李元蒼頭主家俱疫死惟餘孤兒而貲  
財千萬諸奴欲殺之分其財善負兒避匿既長首告  
奴盡伏法顯宗用薦名守日南

唐李善江夏人李邕之父顯慶中為沛王侍讀注釋文  
選視五臣最勝

李固四

赤牘清裁有李固與弟固書云吾年已五十七周游天下獨未見益州耳及閱漢太尉李固傳固死時年止五十四又漢中南鄭人出為廣漢雖令宜無益州之恨矣蓋是兩李固也

李傕郭汜治兵相攻天子使左中郎將李固持節拜傕為大司馬獻帝起居注

唐李固京兆人長慶中擢第後拜相當國有賢譽

東漢兩杜喬

一茂陵人大司空杜林之子建武末以賢者之後宜宰城邑特詔除丹水長一林慮人建和初為大尉以忠直為梁冀所陷下獄死

劉豫四

肅宗時劉豫漢之苛刻吏也薦授陳留令為第五伯魚劾罷

桓帝時劉豫漢之宗室裔也國傳趙孝王為第五世孫

襲封

惠帝時劉豫晉之左將軍也黨同揚太傅為屯萬春門  
并誅

高宗時劉豫宋之叛逆臣也偽立大齊帝為第四太子  
廢黜

東漢兩鄭衆

一顯宗時越騎司馬使匈奴不拜虜敬憚比之蘊武歷  
官大司農受詔作春秋刪

一肅宗時中常侍謀誅竇憲策勲封侯中官用權自衆始

劉長卿二

漢劉長卿沛人妻桓鸞之女生一男五歲而長卿卒兒年十五又夭妻慮不免乃刑耳以自誓沛相王吉上奏高行旌其門曰行義桓發

唐劉長卿河間人開元進士為監察御史以祠部員外郎遷鄂岳觀察使有集十卷傳於世

王渙二

漢和帝時王渙廣漢人為洛陽令治多謫數嘗事太守

陳寵為功曹者

漢安帝時王渙河內人為考城令政尚嚴猛能舉亭長  
仇覽為主簿者

陳壽二

漢陳壽是稱茂陵公乘者以祖博陽侯舊勲得詔復家

晉陳壽是官治書御史者以父嘗被髡遂短武侯將畧

王景四

東漢王景沈深多伎藝修浚儀渠又築汴渠自滎陽至千乘海口千餘里拜河堤謁者又開芍陂銘石刻誓

在循吏傳

西晉王景石勒王彌寇京師王衍都督征討使左衛將軍王景擊退之

隋王景以上開府持節巡撫嶺南後以罪伏誅

後周王景世宗命為西南招討使遂克蜀有鳳州之捷

張芝二

漢張芝字伯英弘農人臨池學書池水盡黑魏晉時尤  
寶其書韋仲將謂之草聖伯英

唐張芝

闕

劉封二

西漢劉封恭王之世嫡嗣爵昊墟

蜀漢劉封先主之義兒伏法官下

劉琮三

光武郭廢后所生第二子沛王輔之五世孫名琮劉景升少子名琮而後主第三子亦名琮在朝諸公若許靖譙周輩寧不知邪

王密三

漢楊伯起嘗舉荊州茂才王密為昌邑令暮夜懷金報謝伯起却之至今傳四知之畏

唐大歷中王密為明州刺史有惠政嘗撰前刺史裴倣

紀德碣見趙明誠金石錄

宋潘美少倜儻嘗語其里人王密曰漢代將終允臣肆虐大丈夫不以此時立功名碌碌與萬物共盡可羞也

王肅四

東漢王肅王莽從兄平阿侯仁之孫出入北宮多通賓客被收下獄死即馬援兄之外孫也

魏王肅司徒王朗之子襲封蘭陵侯官中領軍散騎常

侍善賈馬之學采會同異為尚書詩論語三禮左氏  
解皆列於學官

北魏王肅臨沂人仕齊秘書丞父奐為武帝所殺遂奔  
魏除輔國大將軍長史因肅氏危亂乘機進取屢立  
戰功進開府儀同三司揚州刺史封昌國縣侯

宋王肅景定中知郴州有文章政事之材興利除害名  
大著見一統志

高鳳二

東漢高鳳護鷄誦經不知雨已漂麥見逸民傳  
遼高鳳與郭藥師以涿易二州降宋

朱暉二

漢朱暉性矜嚴進止必以禮為臨淮太守吏人歌曰彊  
直自遂南陽朱季

北魏三公曹令史朱暉高陽王雍欲用為廷尉評東阿  
公順投其牒於地其亢毅不撓若此

劉麟二

漢菑川王之曾孫曰劉麟生於甘露襲廣饒侯

金偽齊王之嗣子曰劉麟遷於臨潢封韓國公

劉宣五

東漢兩劉宣 一安衆侯劉崇之弟知王莽必篡乃變

姓名抱經書隱避林藪建武初乃出襲封

一順帝時為光祿勳同李固言時政

前趙劉宣單于劉淵從祖北部都尉左賢王為淵丞相  
宋劉宣秦鳳路兵馬都監遣蠟書招金將任拱等以所

部歸朝約日已定有告之者金人取宣縷璧之家屬

配曹州

元劉宣南臺御史中丞綱目纂要書自殺而世史正綱  
云行省丞相忙无帶殺之恐直書其事者為是

張安世二

前漢張安世張湯之子以父任為郎給事尚書精力於  
職上奇其材擢尚書令光祿大夫昭帝即位遷右將  
軍光祿勳以久任宿衛封富平侯

後魏張安世張謙兄之子正始中自梁漢同夏侯道遷  
歸款為東河間太守

唐兩李漢

一宣宗靖懷太子會昌六年封雍王

一宗室淮陽王六世孫元和進士長慶末為左拾遺敬  
宗好治宮室波斯賈人獻沉香亭材漢上疏切諫官  
至吏部侍郎



同姓名錄卷二

欽定四庫全書

子部

同姓名錄卷三

詳校官中書臣孫球

主事臣祁韻士覆勘

覆校官中書臣汪學金

校對官原任鹽簿臣郭祚熾

賸錄監生臣金國禮

欽定四庫全書

同姓名錄卷三

明 余寅 撰

楊震二

東漢楊震歷官太尉潔白剛正數論宦寺反為所陷飲鴆死及葬有大鳥泣送之異大鳥五色高丈餘兩翼長二丈三尺人莫知其名

贊曰謂上帝難諧何為黃雀去白環來謂上帝易諧何為鱠去而鴟來鴟有角騎厥隈白日不見山入夜

羣相逐太社將屋皇天哀九廟令我來九廟令我來

右大鳥贊一

君莫吁我有徒我兄鸞弟鵠雛鶴守我閭鸞鷺以前驅天聽不肯卑遭罹此衆狃我淚如逝泉奈此黃

土丘

右大鳥贊二

介葛盧聽絕奇鬼臾區歷特希雖有天老莫識我誰我集僂人掌我浴玉女盆朝餐黃桂漿夕餌蒼筤根

屈軼胡不聰  
触航胡不雄  
使我怦怦五內崩  
思悲

翁思悲翁

右大鳥贊三

南宋楊震代州人弓馬絕倫為安邊巡檢從討方臘有功還知麟州建寧砦靖康初夏人圍建寧震率吏士禦敵矢盡力乏與子居中執中俱戰歿

王烈三

漢王烈太原隱者師陳寔篤行義能化盜為善良不應

徵辟卒於遼東

晉王烈邯鄲仙者偕嵇康入太行山得石髓康不得食見素書康不得取仙凡之隔如此

晉王祥五子其四名烈

任昉二

漢任昉成都人為尚書令清身檢下梁冀憚之出為平原守冀誅復為尚書令司隸校尉大司農

梁任昉博昌人八歲能屬文給事黃門侍郎出為新安

太守所著文章數十萬言盛行於時

王溥二

漢安帝時王溥即王吉之後輸錢一億為中壘校尉見拾遺記

宋藝祖時王溥仕周為禮部尚書入宋進司空太子太師太祖顧左右曰溥十年作相三遷一品福履之盛近世未見其比太平興國初封祁國公

謝安二

東漢謝安下邳人冲帝時九江賊徐鳳稱無上將軍攻燒城邑安應募擊斬鳳封平鄉侯

晉謝安陽夏人少有重名年四十餘始應命為司馬歷吳興太守侍中吏部尚書封建昌縣公以破苻堅進太保都督十五州諸軍事加黃鉞

張俊七

漢張俊元初中尚書郎坐漏泄事當服重刑已出轂門詔書馳抹輸作左校見蔡中郎十志疏

呉張俊字子彥維揚人孫皓時豫章太守造郡城東南

雙闕見涂廩豫章今古記

晉張俊宗正卿有集五卷見隋志

南燕張俊慕容超尚書自長安還降於劉裕

唐張俊懷州人元澹莊客虎殺其妻俊射殺虎并殺四

虎子出原化記

宋張俊成紀人位太師封清河郡王高宗南渡後俊握  
兵最蚤屢立戰功與韓世忠劉錡岳飛並為名將世

稱張韓劉岳云

元張俊宋恭帝德祐元年兩淮制置使李廷芝固守揚州元總制張俊持書招降庭芝梟斬俊焚其書

王喬三

漢王喬為葉令每朔望乘雙鳧朝帝縣門鼓不擊自鳴後寢玉棺蓋便闔及葬土自成墳百姓為立葉君祠或曰此即仙人王子喬也按列仙傳王子喬周靈王太子晉也要知晉是名喬是字固當不同耳

晉王喬梁州刺史張光威震巴漢抗禦氏寇病歿督護  
王喬奉光妻息率其衆還據魏興

唐王喬開元中為許州刺史家奴告喬與朔方節度使  
王晙潛謀構逆勅侍中源乾曜等鞫無反狀

胡憲二

東漢胡憲桓榮為博士常止宿太子宮積五年薦門下  
生九江胡憲侍講乃聽得出

南宋胡憲紹興中入太學與劉勉之習伊洛之學朱松

命子熹受業從父安國稱其有隱君子之操以館職  
名與時不合請祠歸

孟敏二

東漢孟敏憮甕不顧郭林宗見而異之勸令遊學知名  
後涼孟敏南郡人為燉煌太守後段業自稱涼州牧敏  
以燉煌降業擢沙州刺史

張衡六

東漢兩張衡一南陽人作二京賦精思十年乃成永

和初為河間相一則第二代天師史所謂五斗米賊也

晉兩張衡 一趙王倫謀廢賈后告通事令史張衡使為內應惠帝反正被誅一泰始十年刺史皇甫晏討白馬胡復諫牙門督張衡等反殺晏

隋張衡河內人文帝時為司門侍郎煬帝奪宗多出衡計及即位除給事黃門侍郎諫造汾陽宮賜死

元張衡左司員外郎作文務奇古書學張長史山水學

荆闢墨竹不師古人自成一家見圖繪寶鑑

夏統二

漢夏統在魯司隸門牆而立碑頌德是義舉是常事  
晉夏統遇賈大尉洛汭而扣船曼嘯是奇技是異事

李膺二

梁武帝問李膺曰今李膺何如昔李膺對曰今勝昔昔  
事桓靈之主今逢堯舜之君對頗涉諛顧元禮忠貫日  
月匪才獨不足當其祚衰徒懷悃愞公肩身際風雲匪

才獨有餘當其運啟克濟艱難

張陵三

東漢兩張陵 一張霸之孫官至尚書元嘉中歲首朝賀大將軍梁冀帶劍入省陵勒虎賁奪其劍劾奏論罪

一張魯之祖永壽二年白日昇天他書或名道陵豈以其為五斗米道故稱道陵其實魏書止名陵也

元魏張陵臨渭侯張袞之孫襲爵為赤城典作都將

馬融二

漢馬融茂陵人由校書郎為南郡太守才高學博為世通儒受業者常千餘人坐高堂施絳帳前授生徒後列女樂以次相傳鮮有入其室者

晉馬融泰始元年交趾太守爨谷死武帝遣巴西馬融代之

張綱四

東漢張綱御史有風裁埋輪一事真有折檻之風竟為

梁冀所扼卒官太守年僅三十有六

南燕張綱慕容超尚書郎叛降劉裕為製攻城諸械超  
支解綱母於城上

北魏張綱中山人徵為征東大將軍從事中郎見高允  
傳允嘗作徵士頌於綱曰柔謙云

南宋張綱官參政因忤秦檜遂引年後享年八十有四

郭泰三

東漢郭泰漢書注云以同范公泰泰字改為太此甚無

謂字林宗太原介休人受業成臯屈伯彥游洛陽友李膺不應司徒黃瓊太常趙典舉辟好獎訓士類嘗遇雨巾一角墊時人故折巾一角以為林宗巾范滂嘗評之曰隱不違親貞不絕俗天子不得臣諸侯不得友及黨事起獨免焉年四十二卒四方會葬者千餘人蔡邕為碑銘曰吾無愧乎文焉爾今列其鑒拔如左

謝承書曰林宗適陳留則友符偉明游太學則師仇季智之陳國則親魏德公入汝南則交黃叔度然不

特此又左原以犯法見斥勸之責躬茅容初以危坐  
又以草蔬同飯歎其賢又豫識史叔賓之敗惜邊讓  
未聞道俱陳留人也楊氏孟敏憤甄不顧而異之勸  
令游學知名拔鄢陵庾乘初儒後號徵君訓扶風宋  
果以義方後以烈氣聞官并州刺史母憂受鄉人賈  
淑之吊淑改過自厲終成善士謂濟陰黃允雖有才  
終失之卒以遺婦事廢於時謂召陵謝甄不入道以  
細行不慎毀棄謂晉陽王柔以仕進顯柔弟澤以經

術通又識張孝仲於芻牧之中范特祖於郵置之役  
名公子許偉康於屠酤司馬子威於卒伍同郡郭長  
信王長文長文弟子師韓文布季子政曹子元定襄  
周康子西河王季然雲中丘季智郝禮真等六十人  
竝以成名

靈帝中平五年黃巾餘黨郭泰寇太原號白波賊遣將  
軍牛輔擊破之

後趙郭泰鮮卑段遼襲破幽州石虎遣將軍郭泰帥輕

騎二萬追遼戰於密雲獲其母妻斬首三千級

王充二

漢王充上虞人師事班彪好博覽而不守章句所著論衡蔡中郎甚珍祕其文

宋王充果州人遊黔南太守敦請以訓黔之學者時黃庭堅被謫至州相友善書以頌之曰南充王子美其質粹溫久與之遊見其循禮而不競誠心而不疑

姚崇四

漢姚崇和帝待詔能稱典星之職

晉姚崇王遜部將能奏堂狼之捷

秦姚崇姚萇司馬能獲配饗之報

唐姚崇明皇賢相能輔開元之治

劉平四

漢兩劉平 一彭城人更始時天下大亂逢餓賊將烹食之平乞歸食母畢就烹既而如期往賊義之得全後為全椒長一宗室城陽王祉之子建武十三年封

蔡陽侯以奉祉嗣後坐與諸王交通國除

北魏劉平文帝大統七年夏州刺史劉平反都督于謹  
討擒之

宋劉平 玉海云宋朝文武無偏重之任武臣以文學  
授文資者凡三人文臣以智畧易右職當邊寄者凡  
十二人天聖元年則劉平

張儉六

漢張儉常山趙王之裔也黨錮有八反而儉為之魁一

人亡命禍及百家是何心能忍

吳張儉魏將梅敷之屬也所部有五縣而儉為之使一時求附攜同千族是何故叛降

魏張儉榮陽亂賊之帥也大驥通寶炬而儉為之倡一朝響應蟻聚萬餘是何辭撲滅

又一涼州刺史之列也張通有四男而儉為之次一子傳經慶流奕葉是何幸而得之

唐張儉神堯高祖之甥也院門有三戟而儉為之首一

時蒙寵祚及兩昆是何功致然

金張儉統和進士之選也聖宗有二相而儉為之左一  
旦封王爵邁九列是何遭有此

朱震三

漢朱震陳留人靈帝時為銅令其友陳蕃為宦官所殺  
震棄官收葬蕃屍匿其子逸誓死不言逸竟得全其

視程嬰何以異

晉朱震武帝時黃門侍郎帝既平吳遣震等分使揚越

慰其初附

宋朱震荆門人政和進士學術深博廉正守道歷中書  
舍人翰林學士所著有漢上易解云

張嬰二

漢順帝漢安二年廣陵賊張嬰降於太守張綱隋既平  
陳時政急盜起文帝責問戶部尚書張嬰

王甫三

漢王甫靈帝時內豎最凶橫矯詔發虎賁騎殺陳蕃竇

武二弼卒折卯金之鼎

唐王甫代宗時舊將素驍勇承命鼓朱雀街助羽林兵  
馬三使卒潰吐蕃之衆

宋王甫徽宗時中丞頗謬悠疏請頒博古圖協蔡京朱  
勔諸奸卒涸天水之源

東漢兩曹節

一順帝時黃門後與王甫共殺陳蕃竇武者甫父子誠  
讞而節竟逋誅其一曹操之曾祖也素以仁厚稱有不

較認豕一事宜其孫之躭躅大廷也

仇審二

兗州從事仇審字季闕見劉熊碑陰

武都衡官仇審字孔信見李翕碑文

二仇審疑其一時今以其字之不同別之

孫登四

漢賊臣孫登大形小口巧用技術其事見翟酺傳而其語見春秋保乾圖未幾吳有孫登吳大帝之太子以夭

折未幾晉有孫登高士善嘯有以教嵇康而康不能用  
三人名雖同實高穹之與糞壤也至於陳孫登則侯安  
都門客其人益可知已

胡廣三

漢胡廣桓帝時太傅錄尚書事以定策功封安樂侯練  
達事體明解朝章京師謠曰萬事不理問伯始天下

中庸有胡公

晉胡廣胡奮之兄奮兄弟六人並知名廣位至散騎常

侍少府

宋胡廣建炎二年烏珠犯和州宋昌祚率衆守禦軍士  
胡廣發弩中烏珠左臂烏珠大怒急攻弩發之地城  
立破昌祚與廣皆死

劉岱二

東漢劉岱獻帝初平三年為兗州刺史虛己愛物為士  
民所附黃巾賊入兗州岱擊之戰死

南齊劉岱為山陰令時廣州刺史王翼妾路氏殺婢岱

捕殺之坐棄市罪太守王敬則入朝言出自己意岱

得赦免

許將二

漢酸棗令劉熊碑陰處士許將

宋元祐時命翰林學士許將詳定渾儀初以木製後以  
銅造

張溫六

漢靈帝末張溫為車騎將軍破羌胡至獻帝初為董卓

所殺

吳大帝時張溫歷仕選曹尚書太子太傅權嫌其聲名  
太盛恐終不為已用幽殺之

晉西平公張軌之父溫以儒學顯為太官令

北魏臨渭侯張袞之子溫為廣甯太守

後梁末帝貞明二年捉生都將張溫叛降晉

南唐後主七年宋師克池州進軍當塗將軍張溫敗績

蔡邕二

東漢末兩蔡邕同時同字伯喈同以孝行聞何奇也但一為陳留人一為上虞人上虞終隱不仕而陳留終仕不能隱豈陳留未嘗到上虞而黃絹幼婦題辭即上虞之筆邪嗟嗟陳留聰慧絕羣術業超代而上虞無它奇異為世所指名若上虞君者豈所謂處於材不材之間者邪

趙咨二

漢趙咨東郡人桓帝時大司農陳豨舉咨至孝歷仕議

郎敦煌太守臨終薄葬與楊王孫同

吳趙咨南陽人大帝時為中大夫使魏善於應對厚禮而還

東漢兩楊彪

世清白性忠鯁歷官太尉而遭時不辰初經董卓又更曹操及見曹丕篡位人皆脅息我獨差肩不識是時可絕跡不交當途否大為公惜之也是時酸棗令劉熊碑陰有郡曹史楊彪同為立碑云

劉琦二

漢劉琦荊州牧劉表之長子避讒出守江夏後曹操敗於赤壁先主表琦為荊州刺史

宋劉琦熙寧初侍御史論王安石言行乖戾貶監處州

鹽務

王國四

漢靈帝中平間涼州賊王國圍陳倉左將軍皇甫嵩擊破之

晉太和間酒泉太守馬基起兵反涼州守將張瓘遣司  
馬王國等伐基斬之

後趙石堪攻晉豫州刺史祖約于壽春屯師淮上晉龍  
驥將軍王國以南郡叛降于堪

後秦并州牧姚懿舉兵僭號遣驥騎王國率甲士攻寧  
東將軍姚成都成都擒國囚之遣使讓懿

張華三

東漢張華靈帝時為議郎蔡中郎纂漢書十志與華等

分受之

西晉張華武帝中書令文學才識名重一時後為趙王  
倫所殺

南燕張華慕容超尚書出使姚興奉超母妻以歸後降  
於劉裕

陳登二

漢末陳登忠亮高爽劉玄德甚重其人嘗詫許汜云元  
龍欲自卧百尺樓卧君於地何但上下牀之間邪嘗為

曹操廣陵太守宋陳登淳祐間知新昌縣以愷悌稱邑人立祠祀焉

黃祖三

漢末黃祖其人至猛蒙衝船上處士遭其利刃而子空往救

晉末黃祖其人至孝善福門中老翁賜以良劑而母遂大安

案劉表傳江夏太守黃祖為孫權所殺此即殺禰衡

於蒙衝船上者也及聞孔融傳左丞黃祖以袁曹方  
盛勸融有所結納融知紹操終圖漢室不欲與同遂  
怒而殺之是漢末有兩黃祖也

王則三

漢奉車都尉王則蓋曹孟德遣齊天子詔拜呂布為平  
東將軍者齊王則初事魏後事齊又嘗因敗奔梁梁又  
放還齊故曰齊王則遇元顥則從顥遇余朱仲遠則從  
仲遠無志操人也雖以武戰名竟以貪慾敗若宋王則

固亂賊也煩文潞公討平之何足紀

韓遂二

漢末韓遂金城人與邊章率叛羌寇亂關隴曹操擊破之遂等走涼州

魏初韓遂明帝太和六年改定刑制給事黃門侍郎韓遂等共制新律令

田豐三

新室田豐王莽建國後以姚媯陳田王五姓皆黃虞田

裔為同族乃封田豐為世睦侯奉陳敬王後祠敬王  
於臨淄

漢末田豐為袁紹別駕曹操自將征先主豐說紹襲操  
紹以子疾不許豐舉杖擊地曰以嬰兒之病失難遇  
之機惜哉

元末田豐為義兵萬戶據山東以叛既降殺其平章政  
事察罕其子庫庫討豐剗心以祭其父

張昭五

漢張昭獻帝時議郎兄承為伊闕都尉欲起兵誅董卓  
昭謂宜擇所歸俟時而動承遂歸曹魏

吳張昭輔吳將軍封婁侯受孫策遺命輔權時與權忤  
而中實無他

北魏張昭張蒲之子襲壽張子爵以軍功進脩武侯位  
幽州刺史以善政稱

陳張昭幼有至性喪親哀毀遂失一明

宋張昭吏部尚書封陳國公乾德元年上名臣事迹五

卷

李豐三

一袁術侵陳曹公禦之斬其將李豐等一魏中書令李豐謀誅司馬師不就被害一孔明既廢李平與其子豐書曰願寬慰都護勤追前闕

李定三

東漢李定涿人見先主籬舍桑樹高五丈童童若車蓋云此家必出貴人

北魏李定平棘人漢李左車十五世孫位漁陽太守

北宋李定揚州人進士為定遠尉歷監察御史龍圖閣

學士知江寧府分財賑贍家無餘貲死之日諸子皆

布衣

趙雲四

西蜀趙雲 三國驍雄號五虎者關羽張飛黃忠馬超

而趙雲為之配

南宋趙雲 兩河豪傑稱五帥者李進董榮牛顯張峻

而趙雲為之魁

初得兩趙雲作儼語存之意甚快不知蜀漢後更一  
趙雲天水人客游鄺時乘醉施刑其人仇報置之糟  
坑昏濁彌月形貌盡改後雖得伸於觀察而遂成一  
異狀宋初又一趙雲則清獻公之孫也父卒以哀毀  
成疾時稱世孝

徐庶二一東漢一南齊

論曰庶母欲庶專事劉玄德其意正與王陵母同庶既

以方寸亂歸而全其母故是至情顧母既絕命之後猶可以奔劉而沒齒無聞其歸曹不能全母命卒又仕曹不能成母志如元直者蓋龐士元法孝直之流假令與孔明差肩而事主不亦光乎而卒棲遲非意之朝良所不解若城局徐參軍所為王敬則謀急殺狂兒獨身歸朝萬一可保頭顱牖下雖敬則頑兇卒以傳首乃其大義固已皎然矣

龐統二

蜀漢龐統 傅巽在荊州嘗目龐士元為半英雄夫士

元誠不敢望孔明其才具僅僅法孝直徐元直等可

謂半之先主遇之亦僅異于諸臣亦不得與孔明埒

其祿命亦未必優于蔣公琰中道凶殞巽真知言哉

姚秦龐統為姚泓尚書王鎮惡之兵至灞上泓使統屯

兵宮中

楊儀二

蜀漢楊儀嘗為丞相參軍以怨望廢徙遠郡

趙宋楊儀嘗為三司判官以被劾械縛過市

張悌三

吳張悌襄陽人孫皓時為丞相軍師晉伐吳悌督諸將渡江逆戰為晉軍所殺

梁張悌家貧無以供養結四人作劫抵死罪兄松以居長不能教誨乞代死悌亦引分全其兄縣上讞帝以為孝義特降死

論曰悌以兄弟之義得免死不知三劫當時作何處

免悌而不免三劫則法偏何者悌造謀者也以免悌而弁免三劫則法廢何者盜不可長也且富人何辜矣故悌之死終不可貰也

元張悌鄴人棄家執役武當山脯不至席者三年

魏延二

蜀漢魏延為亮前部督恃功構怨卒致誅夷

苻秦魏延為堅太史令風候星占確有奇準

李嚴四

蜀漢李嚴以督運反覆為諸葛武侯所廢及武侯卒嚴自恨死是嚴有悔心也

初唐李嚴儒學敬播傳云參傳晉書與李嚴等總類焉是嚴有宿學也

晚唐李嚴有女侍張谷號新聲能諫谷無附劉從諫是嚴有慧女也

後唐李嚴莊宗使嚴入蜀後以嚴言竟破王衍明宗又使嚴入蜀孟知祥遂殺嚴初嚴母戒嚴無再入蜀嚴

不聽果及禍是嚴有智母也

李平八

蜀漢李平即李嚴更名平見蜀李嚴下

晉李平平棘人為樂平太守以儒素著名

苻秦李平晉太元十年蜀郡太守任權斬苻堅益州刺

史李平益州平

元魏兩李平一孝文臨朝以三品定羣臣等第謂中書

舍人李平識學可觀可居中品

一為將兩平叛逆兩為牧守懷集大得人心自度支至端副夙夜在公孜孜匪懈

前唐李平為平原司兵參軍太守顏真卿使平乘駟奏

安祿山反狀

南唐李平初為道士已為李守貞從事已又仕南唐為衛尉卿以其人叵測下之理縊而死

北宋李平熙寧五年湖北提點刑獄招納下溪州峒蠻

張景謂等各以其地歸版籍

張嶷四

蜀漢張嶷識斷明果為越雋太守盜寇將軍賜爵關內侯晉張嶷以狡妄時人號為猾伯隋張衡之祖嶷為北魏河陽太守宋張說之子嶷為明州觀察使

李福七

諸葛武侯疾篤後主遣尚書僕射李福問以後事武侯屬使任蔣琬

桓溫伐蜀李勢遣其弟福距溫已而與福共降溫

唐文皇第十四子趙王名福

元和中戶部郎中李福談鄖縣老人養獺捕魚之事  
段成式紀之雜俎

宣宗時党項叛以諫議大夫李福為夏州節度發日  
臨軒戒勅後為尚書鎮南梁沈殺崔氏二男荊州三  
害於漢江見唐語林

乾符初李福以檢校右僕射充山南東道節度使草  
賊王仙芝寇掠山南福圍練鄉兵屯集要路賊不敢

犯

南唐保大十四年蘄州將李福殺知州王承雋降於周

見唐餘紀傳

李密四

晉李密因祖母年老上表陳情足稱孝乃偽朝一語恐忠臣不忍言此即譙周門人以擬游夏者也齊李密因母疾習醫積疴盡豁足稱孝乃侯景官爵恐志士不忍受若隋李密雖稟英毅姿終懷反側圖衆散於黎陽身

殞於陸渾固其宜也

涼武昭王李玄盛之子密為羽林右監後主李士業  
為沮渠蒙遜所害密等西奔敦煌

馬超二

蜀漢馬超茂陵人靈帝末率衆詣長安為偏將軍與曹  
操戰敗葬漢中降先主拜驃騎將軍涼州牧封斬鄉  
侯

元魏馬超定州刺史許宗之殺深澤民馬超恐其家上

告誣超謗訕朝政高宗察其枉斬宗之

張達七

蜀漢張達張飛帳下督先主伐吳飛當率萬人會江州  
達殺飛持其首奔吳

曹魏張達大將軍曹爽材官恣行暴取為少府王觀錄  
奪沒官

東魏張達隰沃縣主簿食民家雞羹不還直為滄州刺

史高浟所詰

李唐張達劉武周寇并州齊王元吉遣車騎將軍張達拒之不能支遂陷沒

南宋三張達一隱逸傳代淵嘗受學于張達達蓋文學士矣一嘗為宋謀被獲得釋還事在元世祖中統四年一金陵少年耽溺小婢錦兒嘗出其繡襯履郁然如新

張翼三

蜀張翼廣陵太守綱之曾孫車騎將軍封都亭侯後隨

鍾會至成都為亂兵所殺

晉張翼能書與右軍同時在李嗣真書品中上七人之列

北魏張翼臨渭侯張袞之祖遼東太守

荀或二

魏荀或初平二年獻帝初立或已從孟德凡所贊大計  
摧大敵真不愧子房之輔高祖奈何卵金之鼎不轉  
入老聃之手哉于是時欲違衆而沮九錫之議勢已

不能是時孟德固已囊橐神器肯使公朝參一異同  
之口哉不殺或不已或死亦固不可已

晉荀或山公啟事嘗薦和嶠為吏部郎詔求其次乃薦  
黃門侍郎荀或清和理正動可觀採山公晉吏部尚  
書查魏志或未嘗為黃門侍郎是兩荀或矣

郭嘉二

魏郭嘉曹操帷幄之臣表為司空祭酒卒輔魏以移漢  
鼎

元郭嘉遼陽寇亂之役特授廣寧總管卒死戰以繼父  
風

張晏三

漢靈帝時西域長史張晏將焉耆龜茲前後部合二萬  
餘人討疏勒不能下三國魏張晏中山人注前漢書唐  
淮西賊殺武元衡天子赫怒京兆尹大索遂擒張晏

陳琳二

魏陳琳有文名在建安七子中

宋陳琳善繪事與趙魏公相資講稱妙品

張遼二

魏書張遼字文遠馬邑人前將軍晉陽侯風俗通張遼  
字叔高江夏人侍御史兗州刺史蓋一以武奮一以文  
登

徐邈三

曹魏徐邈魏國初建為曹操郎吏大著績於西涼  
西晉徐邈晉祚已衰為王彌將校遂并兵於東岱

東晉徐邈學識最博為安帝衛率嘗馳譽於東京

魏徐邈事曹氏三世刺涼州尤著聲績封侯拜司空  
歿而旌其清節至與胡質等有女願配王濬真大異  
事西晉徐邈却左王彌為寇逆東晉太子前率徐邈  
嘗著易書詩左氏論語楚辭音又五經集音莊子集  
音及穀梁傳義有集十卷其人該博精於律學如此

曹丕二

魏曹丕篡漢陸倕云今之官漏出自會稽注云舊漏本

山陰令曹不所造

郭淮二

曹魏郭淮建安中舉孝廉在隴右三十年著績綏御下軍  
騎將軍儀同三司封陽曲侯

劉漢郭淮隱帝召劉銖懼不至是時沂州郭淮駐青州  
銖顧禁兵在莫敢有異志乃受代還京師

劉整三

魏劉整吳諸葛恪圍合肥整為兵士冒圍傳信為敵所

獲誘之易辭不肯以死

齊劉整以外戚為中軍叅軍

昭明文選有任彥升奏彈劉整一首云整閭閻闈草  
名教所絕固應露章陳聞吾以為彈事一種可不收  
如收即置劉整一首不為闕也大抵此等事俗而文  
雅所以可錄嘗竊笑不意高聲大罵四字出文選中  
宋劉整景定二年知瀘州兼潼川安撫副使與蜀帥俞  
興構隙遂率所部兵以潼川一道北降

王弼二

三國魏王弼尚書郎注周易六卷又撰易略例一卷此有道之士發明經義者

五胡秦王弼姚興司徒左長史勸興廢太子泓而立第  
三子弼此不道之臣陷君非義者

張承二

魏張昭有兄曰承以方正徵丞相參軍祭酒領趙郡太

守

吳張昭有子曰承壯毅忠謙為奮威將軍封都鄉侯

王祥二一魏人一陳人

兩王公俱琅邪臨沂人前王公位太保封睢陵郡公後  
王公官黃門侍郎初謂兩王公同邑里偶然同名耳父  
讀南史王筠傳筠蓋祥弟覽九世孫而筠之子又名祥  
令人怪訖之極

贊曰三尺冰禎鯉開一丈幕黃雀來十刻雨丹柰哀  
刀有靈惟君懷上天明明報汝長淮

論曰典午規圖三世大物在手前王公丁此不辰已  
垂耳順矣不卒死牖下更出何為吾嘗謂東京節義  
光耀宇宙間自曹瞞首壞之典午又潰決之舉萬世  
之綱常無一人能峻其防者正賴公等耳乃尸居餘  
氣載沈載浮親見立一天子而誰弑之也又見一新  
天子而竟非故天子之家也三公不拜相國似矣頃  
之能不拜新天子邪今日新天子非即前日之相國  
邪八十餘歲老人直是奄奄泉下戀此棧豈何為人

有言求忠臣必於孝子之門典午以還六朝諸臣類能致孝而不克攄忠吾謂斯獄蓋於祥乎首置對焉臯陶再起烏能反諸

王肇二

王祥長子名肇仕至始平太守宋鄞縣丞王肇訐告鄞令程緯慢上無人臣禮除緯名貴州編管

李典二

曹魏李典儒雅學問不樂兵事乃頻以軍功顯封都亭

侯

北涼李典為沮渠蒙遜從事中郎嘗使於姚興以通和好

王朗二

曹魏王朗漢末遭亂流移窮困而收郵親舊行義甚著  
拜諫議大夫終於司空封蘭陵侯

蕭齊王朗明帝時龍陽縣開國侯自渦陽降于北魏見

魏孝文本紀

張祐三

北魏張祐緣父成罪坐腐寵冠諸閨尚書左僕射封新平王與王叡等俱入八議王質等俱賜金券許不死唐張祐嘗賦詩題金山寺唐書不立傳

元張祐覃懷人流寓陵縣官中書參政封清河郡公墓在縣東

王叡三

漢荊州刺史王叡即晉太保祥之伯父也嘗無禮於孫

堅為堅所害

晉王叡果勁有計畧劉裕甚知之桓玄篡位裕告以義舉使於都下襲玄事泄遇害

北魏王叡永明中吏部尚書封太原公孝文臨獸園有猛獸逸登閣道幾至御座侍衛皆驚靡叡獨執戟禦之由是親任轉重遷尚書令進爵中山王

周瑜二

三國吳周瑜負英略當吳大帝時建赤壁之勲惜乎短

折莫究霸圖

六朝陳周瑜生將門當陳後主時襲鐵虎之爵雖干寵  
榮已丁亂瘼

呂蒙二

吳呂蒙孫權別部司馬後破荊州獲關公封侯暴卒  
宋呂蒙事親至孝葬父廬墓下蔬食四十年一日焚香  
巍坐而逝

王著四

吳主孫皓怒常侍王蕃方直斬之殿廷徙其弟著於廣州後郭馬起事不為馬用見害

宋兩王著一單父人性豁達善屬文太祖時為翰林學士加中書舍人時亳州獻紫芝鄆州獲白兔隴州貢黃鸝武著獻頌因以規諫太祖下詔褒之

一成都人善書頗有家法太宗時為翰林侍書以篇韻訛舛特令詳定

元益都千戶王著擊死阿合馬於闕下時阿合馬為左

丞相已而戮其屍世史正綱

孫秀三

吳孫秀高士孫晷之曾祖也為吳伏波將軍

晉兩孫秀一泰始六年吳夏口督前將軍孫秀率衆來奔拜驃騎開府封會稽公一趙王倫嬖人以私憾殺石崇潘岳者侍中儀同三司凶逆斬

孫和二

孫權第三子名和立為太子為弟霸所構廢後歸命侯

皓即其子也晉泰始中太子中庶子孫和薦侍中范粲  
操行高潔粲與和同郡俱陳留人

孫皓二

吳孫皓大帝之孫降晉封歸命侯毛詩孫皓嘗與鄭商  
問答不知何代人

孫吳陸凱又陸玄

元魏陸凱又陸玄

南之陸起於康吳人也凡四傳而得凱以武畧欵直位

鎮西大將軍進封嘉興侯而凱之族弟曰玄自是南  
陸繁衍散處江介

北之陸起於幹代人也凡五傳而得凱以循良友義位  
太子庶子給事黃門侍郎而凱之族孫曰玄自是北  
陸稠族布滿邊遐

張松三

蜀張松臣事劉璋而勸先主襲璋其兄肅告璋誅之松  
固輕脫少行檢者

梁張松嘗請代弟死詳前張悌下

宋張松乾道元年三月詔張松等措置淮西湖北荆襄等處屯田

王敦三

路史謂王敦凡四今止得孫吳時一人是右將軍謀誅  
孫綽反為所害所謂不密失身者典午時兩人一揚州  
牧縱兵犯闕卒致梟首所謂大逆不道者一牙門將叅  
佐羅尚卒斬李牧所謂乃心王室者在吳是惇字在典

午是敦字韻書云惇即敦也

孫恩二

吳主亮以大將軍琳專恣謀誅之琳與其弟恩攻殺同謀者而廢其主亮晉末孫恩作亂據會稽陷廣陵殺百姓數萬人劉裕討滅之

徐盛二

吳徐盛事孫權官安東將軍封蕪湖侯

秦徐盛事苻洪官建武將軍

嚴維三

吳嚴維大帝立第三子和為太子維為侍從從容講沃  
唐兩嚴維 一字休復刺杭郡構清輝樓後白樂天為  
之代見唐語林一字文正越州人武德進士終於校  
書郎有詩一卷

朱明二

吳朱明為平虜將軍晉王渾伐吳多所斬獲明懼而來  
降

宋朱明哲宗即位行赦賞軍萬州彌旬不給庖卒朱明  
因衆怒入府傷守臣謀亂夔州轉運使王宗望聞變  
疾驅而至先命給賞然後斬明以徇

張詠二

吳張詠為湘東太守吳主孫皓以詠不出算繙誅之徇  
首諸郡

宋張詠自號乖崖嘗譏寇萊公不學無術寇公忠質自  
任故寡圓捷張公一生用術所在斡旋直是大力特

其所謂術固仁術耳

張苞二

魏張苞高平人為郡督郵貪穢亂政時滿寵守高平令率吏卒收之詰責所犯即日考竟遂棄官歸

蜀張苞張翼德之長子早夭


潘璋二

吳潘璋伏兵麥城獲荊州關侯者

宋潘璋製衣紫羅奉泗州聖僧者

呉剛二

酉陽雜俎云月中有丹桂仙人吳剛用斧斫其根而晉書王渾破吳遣牙校吳剛至洛報斬馘詭二千為萬級



同姓名錄卷三